

550:
MAHATHIR

KUALA LUMPUR, 17 JAN (BERNAMA)-- MENTERI PELAJARAN, DR. MAHATHIR MOHAMED BERHARAP DAPAT MELAWAT NEGARA-NEGARA TEMPAT PENUNTUT MALAYSIA BELAJAR UNTUK BERTEMU MUKA DAN MENERANGKAN KEADAAN YANG BERLAKU DIDALAM NEGERI.

PEGAWAI-PEGAWAI JUGA MUNGKIN DIHANTAR KE NEGARA-NEGARA TERSEBUT UNTUK MENERANGKAN PERKARA YANG SEBENARNYA BERLAKU BAGI MEMBUKTIKAN TUDUHAN YANG DIBUAT SEPERTI KEBULURAN ADALAH TIDAK BENAR.

DR. MAHATHIR MEMBERITAHU SIDANG AKHBAR HARI INI, BELIAU TELAH SEMPAT MENEMUI PARA PELAJAR MALAYSIA DI BRITAIN TERMASUK DARI BELFAST TIDAK LAMA DULU.

APA YANG MENYEDIAHKAN TUDUHAN ITU DILEMPARKAN OLEH PARA PELAJAR LUAR NEGERI YANG TELAH TERPUTUS HUBUNGAN MEREKA DENGAN KEADAAN DALAM NEGERI.

266

BERITA-BERITA YANG MEREKA TERIMA PUN HANYA MELALUI SURAT ATAU RISALAH YANG KURANG TEPAT ISINYA.

DR. MAHATHIR MEMETEK TUDUHAN PELAJAR TERHADAP KEJADIAN YANG DIKATAKAN KEBULURAN DI KEDAH DAN SEORANG PEMIMPIN PELAJAR DARI UNIVERSITI MALAYA LUMPUH DARI LEHER KEBAWAH AKIBAT TERKENA +NERVE GAS+, SEBAGAI CONTOH. --BERSAMBUNG 1420/MD

551:

MAHATHIR 2 KUALA LUMPUR

KATANYA, MENURUT KAJIAN YANG DIBUAT OLEH PROF. ZAINAL ABIDIN WAHID DAN DUA ORANG TENAGA PENGAJAR UNIVERSITI KEBANGSAAN MALAYSIA, TUDUHAN KEBULURAN DI KEDAH ITU ADALAH TIDAK BENAR.

BEGITU JUGA DENGAN TUDUHAN PELAJAR UNIVERSITI MALAYA YANG DIKATAKAN LUMPUH ITU TETAPI TERNYATA IA MASIH JUGA BERJALAN-JALAN DIKAMPUS UNIVERSITI.

DR. MAHATHIR TELAH MENUNJUKKAN KEPADA PARA PEMBERITA GAMBAR-GAMBAR YANG DIAMBIL OLEH PROF. ZAINAL ABIDIN DAN RAKAN-RAKANNYA SEMASA MEMBUAT KAJIAN DI BALING BULAN LALU.

MENYENTUH TENTANG KEMPEN +BENCIKAN MALAYSIA+ YANG DIJALANKAN DI AUSTRALIA DAN KEJADIAN DI NEW ZEALAND, MENTERI ITU BERKATA ADA FAKTUJOFAKTUR YANG MEMPENGARUHI PELAJAR TERSEBUT.

BAGAIMANA PUN, BELIAU ENGGAN MENGULAS LEBIH LANJUT.
-- BERNAMA 1422/MD